





別蘇翰林

四海窺人物其誰似我公  
論交容未契許國見深衷  
漸遠吳天月行披禁殿風  
玉堂清夜夢解后過江東

送景文

交遊盡四海厚我乃無幾  
劉侯軀七尺堂信英偉  
中剛冷如鐵萬事官料理  
相逢傾蓋餘眷極終始  
東南久徵誓將領用儒士  
三年湖遊屢得陪履齒長  
謹傲雲空草木俱披靡詞

參寥子詩集卷第七

照閣奉陪辨才老師夜坐懷少游學士

椽鳥投林已寂然  
芭蕉過雨小樓前  
雲依絕壁中間破  
月自遙峰缺處圓  
照坐不須紅蠟炬  
可人唯有蕙爐烟  
校酬御府圖書客  
疇昔過同此夜禪

贈天竺聰道人

完完明月珠蓄彼萬丈淵  
徑寸不可覩餘輝媚清川  
道人寔有道膠口默不傳  
心閒氣自和肩宇常藹然  
邦人昔致師欲以居法筵  
文移動帥府禮數端且度  
冥鴻避網羅矯翼從高翥  
竭來靈山隅圓



鋒剝萬象搜索泣山鬼珠  
璣溢錦囊所得真富矣  
軒冕本儻來功名徒尔耳  
一厘聞已卜視此猶脫屣歲

晚匡廬山高棲踵前軌

贈太守林子中待制

拭目除書下九天邦人爭

賀使君賢風流謝守

宣城日憶悌龔公渤

海年終作鹽梅均鼎

鼈且憑觴豆樂山川

一門棣萼登臺省盛

事殿海內傳

蒲味深禪盛德不自顯與物同周旋兒曹恃文采  
毫末爭姝妍相逢廣坐間肯顧斯人賢茫茫大化  
中浮名暫暱羶吾知道人意反汝生哀憐

送僧遊天台

海邊孤起碧千尋俯仰應酬壯觀心峭壁斷崖當  
歲宴冷雲疎雪上衣襟論懷此日能傾倒尺素它  
時嗣好音摘勝窮幽吾老矣杖藜無復伴登臨

覽黃子理詩卷

六載南官何所營百篇翻覆見高情霜鷗露鵠元  
非俗雪竹風松本自清俊送固宜凌鮑謝優游真

也逼淵明微言會有知君者謾擬鍾磬試一評

梅花寄汝陰蘇太守

湖山搖落歲方悲又見梅花破玉蕤一樹輕明侵  
曉岸數株清瘦耿疎籬良辰易失空回首習氣難  
忘尚有詩所向昏公舊題墨肯辜魚鳥却來期

次韻陳敏善秀才見過

投老形骸真木偶水飲崑樓聊自守世事浮雲日  
變遷我亦何心預減否故人新自廣陵來問我詩  
囊近何有吾言淡泊非橄欖縱可咀嚼聊能久且  
開胸戶話平生湖色山光翠相糾烘簷暖日氣味



好相對蒲團復支肘愛君少年擅才華詩律清妍  
無可醜却愁征棹促君還空聽陽關詞一首

都僧正慈化大師挽詞

領袖吾家事由來二十春虛懷能應物直氣肯隨  
人逝水流方遠臨池墨尚新聲聞雙樹子不見葉  
間身育王山大覺禪師以羅漢木贈蘇翰林蘇反  
以贈師凡植凡二十年葉間生青如比丘形謂之  
羅漢木師嘗指此語余曰吾不復見此羅漢之生  
也故及之

平生輕長物身世等鴻毛譽出東南早人驚節義

高玩竒唯水石結客盡英豪來往元無迹情鍾謾

鬱陶

伏枕時無幾臨分若故常寸心能炯炯去路豈茫  
茫車馬門猶盛芝蘭室更香獨餘庭下竹冷韻起  
悲涼

次韻吳承老觀開西湖

偉人謀議不求多事定紛紛自唯阿盡放鼃魚還  
綠淨肯容蕭葦障前坡一朝美事誰能紀百尺蒼  
崖尚可磨天上列星當亦喜月明時下浴晴波  
都僧正既闕子仲待制欲余補其位輒辭



以小詩遂獲免

佩德懷恩豈易陳自嗟麋鹿性難馴  
流年日月無多子乞取山林放曠身

送子中待制

翹翹孤鳳凰安巢本阿閣偶來依澤國  
歸興遂淹泊江山迫歲華草木正搖落  
霜空肅萬里纖翳無處著翻然整羽儀  
一舉在寥廓

南山有佳木秀色何歲蕤封植不記年  
落落今百圍盤榘雖自固烈風無時吹  
匠手營大廈衆材得施為偉哉梁棟姿  
取用不可遲

平生長樂公聲華越三紀文章兩京齊  
學術游夏比螭頭足未安符竹已屢徙  
聯翩開幕府爛熳樹桃李鋒車入帝鄉  
天馬行九軌周旋有程度駕駕安足擬

曉發苕溪將次徑山呈通判廖明略學士

明星耿耿出天東結束籃輿伴我公  
藹藹梅香侵曉陌斑斑旗脚轉春風  
勝遊此日塵埃外回首他年夢寐中  
絕景小詩難壯觀當看醉筆吐長虹

次韻王行甫奉議湖上晚歸遇雨

妙齡公子嗜遨嬉永日湖山未肯歸  
酒幟曉人應



慣識花枝拂帽不須揮輕紈細綺來何處青蓋朱  
輪去似飛向晚薄雷催急雨清寒無奈襲蒙衣

同曾仲錫通判遊天竺諸山

煌煌世胄餘夫子非碌碌由腹有詩書所以能拔  
俗得官本河朔瓜期未云促扁舟下東南逸興追  
鴻鵠遇勝即徜徉風飡兼露宿嗟余偶傾蓋一笑  
外竊束杖策每過從相攜訪山谷春風披鮮榮繡  
錯出林麓松門有時盡幽興無斷續崖轉聞鐘聲  
林疎見華屋銜山餘落景歸路猶躑躅誰云鄴下  
歡往事不可復吾曹二三子所樂亦云足願公紀

新詩一一能見錄舡頭行北歸囊篋有美玉塵埃  
京洛人示與洗心目

次韻劉韋孟王簿湖上

劉郎詞筆過蘭成詠遍湖山草木清祿隱太平真  
樂事莫思神武挂冠纓

中流出沒一舟虛緩楫長謠彼自如聞說古來江  
海上達人多半寄樵漁

老葑如雲既卷除風濶百頃翠紆餘竒探險取各  
爭賦誰復能名造物初

遊苕溪道場山



東風吹雨過城闈日照河隄柳映津兩槩差差搖  
燕尾千山漠漠散魚鱗長綠絕境關幽夢尚喜茲  
游及暮春蘭蕙未衰桃李在蜂喧鳥咽莫愁人

夏夜

松室開孤定褰帷納夜涼嬋娟依翠竹無語過東  
墻

送蘭花與毛正仲運使

仲正

幽姿冷艷匪天饒曾伴靈均賦楚騷今日移根庭  
下植可無佳句與揮毫

從來託迹喜深林顯晦那求世所聞偶至華堂奉

君子不隨桃李鬪氤氳

夏日竹閣

沉水擢烟青繚繞風篁傳韻冷蕭騷楚山竹簟疏  
璃滑卧看炎雲檻外高

送李仲益赴襄陽幕

襄陽古名都雄觀壓荆楚醉公誇文詞風物槩可  
數嗟余未歷覽彷彿已如覩人生游宦間得此亦  
佳遇李俊妙天姿文行兩自負少年志冥鴻千里  
輕一舉天風不借便造物暫淹阻既無負郭田龜  
倪依幕府賢哉彼方伯脫畧高韻度寧伴簿書役



朱墨事朝暮爽氣對西山清談共樽俎試問鹿門翁遺蹤今在否

訪勤上人

斷橋蒼壁倚溪斜赤葉楓林噪晚鴉可怕巖雲埋徑路會尋流水到君家

答柯山曉上人

風騷古人事而我豈所長兒曹嗜章句餘習未易忘根源本無有真若夏潦潢道人氣拔俗吾黨稱俊良十年依叢林寔以道自將禪餘喜賦咏詩妙語逾珪璋世眼獨未識叢深閤孤芳鋒錐必穎脫安肯久

久處囊子宜力自勉聲聞終揚揚吾言豈知子老大殊荒唐

送俞伯謨宣德赴辟成都

我生落拓如虛舟萬里江湖隨演漾君今祿仕亦我同南北悠悠無定向故鄉回首海東頭兄弟十年官塞上才高質美衆所竒杞梓豫章非冗長辟書交飛上廟堂肯使須臾事閑曠泰山崢嶸整戎虜自古征人愁悵望劍門棧閣天下危去馬來車魂欲喪羨君年少勇攀躋足躡青冥身益壯舊遊陳迹想依然感物懷親情獨愴伯謨先公待制嘗



為成都漕

次韻文饒同自龍井出資國度泛舟以歸  
北山

踞虎奔犀列萬形奇觀真已過南屏紫雲細路香  
無盡落石飛泉靜有聲十里平湖初卷葑一天秋  
色共揚舲停橈共過孤山寺寂寂林僧半掩扃

陪司馬才仲節推諸君游天竺

得青字

西郊久不雨草木無餘青薄雲弄秋暉山色時晦  
暝起然五詞客文采披華星聯翩過吾庐車蓋紛  
滿庭相携訪靈鷲細路尋崑崙攀翻幽桂叢衣襟

襲芳馨絕境異人世吾詩豈能名諸豪追鄴下妙  
語逾瓊英願言一揮寫樂事良難并高空墮海日  
歸驂尚能停

呈丞相章公

時提舉洞霄

大滌仙翁謝往還蕭然几席奉清閑胸中舊已吞  
雲夢人望從來重泰山書到鍾王方絕學文非典  
誥不須攀名言一一皆公語它日親聞廣座間

過定林謁荆公畫像

古木蒼藤一徑纏我公疇昔屢回旋蕭蕭屋底瞻  
遺像傑氣英姿尚凜然



壁間十字走龍蛇好事何人護  
絳紗一讀已能生感慨暮簷  
蕭瑟更啼鴉

次韻曾子開侍郎話別

二紀浮游踏世塵賢愚了了見  
情真行藏不昧如公少細聽  
名言寔可人  
抗論儀曹肯折旋一麾江海去  
飄然他時開府餘  
杭郡來酌吾廬石縫泉

書夢奇妙詠

妙思堂深路屈盤夜來魂夢忽  
躋攀道人開戶相迎處  
苑在修篁翠霧間

觀茶師詩書以二絕勉之

吾鄉英秀頗能文子復區區慕  
碧雲請用三多為祖式他時自  
與古人羣

論詩當亦似論兵軍律非嚴事  
不成行伍會須同比櫛出奇方  
可制縱橫

過鍾山尋俞清老不過

霜風薄木韻含悲歲晚尋君失  
後期夜鶴曉猿驚怨歌草堂人  
去已多時

次韻劉伯昌長官見贈

劉侯詩格殆天全初得西湖紀  
勝篇錦繡為勝供



麗藻鯨鯢作氣吸長川靜依北牖開樽俎醉掃寒  
稍雜雨烟歲晚扁舟東去急喜君高調重遷延

次韻法真禪師送曾敬之宣德昆仲

昔與乃翁相遇年始知有子生且賢爾來雙幹已  
爭秀屹屹欲上參高天昨朝較執偶不售他日奏  
賦聞甘泉方今廟堂喜人物收拾萬彙供陶甄馬  
蹄麟趾終一出輝映左右無餘妍肯學孟生誇得  
意一日走遍春風前嗟余投老歸岩谷形若槁木  
心灰然扁舟追子僅千里彷彿夜夢遙相傳西湖  
風物行歲宴歸賦梅花趁曙光

送文惠師還金華

脫畧紛華自妙年秉心端喜事金仙終期象馭超  
三界不羨鵬程越九天考疏窮經心尚壯依仁據  
德節尤堅秋風陡起庭幃念聊寄脩江一葉船

證師聖可相虛齋

吾聞嶧山桐猗猗排秀幹栖鸞宿鳳信所竒衆木  
紛紛何足算嗚呼天相彼質復虛彼心故其聲之  
隱也無闕其動也無留有叩而鳴體佚而休嘉上  
人之妙齡兮無適俗之卑韻剛有儼于斯桐兮廓  
中虛以受訓異速成之朝榮兮培益厚而日敏悼



像未之寥寥兮蹇吾道之不振續芳塵于祖席兮  
他日非桐虛上人者而復誰何哉

規師方外傳雲齋

上人少晚畧出處非拘因傳雲倚空端舒卷良自  
由縱之千文強斂附拳石幽起騰宇宙間孰與斯  
人儔銘詩善摹寫居士亦風流

卜居智果方外以詩見寄次韻奉酬

偶來湖上緝衡門桐長脩柯竹有孫引策每從佳  
處去望雲橋下是西村

青灯殘篆夜寥寥門外秋風振葦蕭慚愧高人能

見憶為余西望立溪橋

次韻周開祖大夫泛湖見訪

漾漾清漪十里間畫舫人似鏡中安雨催菡萏秋  
香發風觸蒲萄細浪寒高岸烏紗來靜院倒揮白  
羽傍層欄吟毫所過無遺景天乞詞源北海寬



舊參寥子  
抄  
三本

參寥子詩集卷第八

次韻才仲試院夢中書事見寄

夢入秋山知幾層  
霜風吹骨正稜稜  
蒼崖翠壁  
確難

安足自說從余授杖藤  
事見才仲叙中

朱甍碧瓦礙浮雲  
共躡層梯最上頭  
一餉闌干變

風雨凜然毛髮便驚秋

怪獸胡為出巨津  
昂然激水忽翻身  
魚龍鼉扇何

妨事莫作風波謾恐人

一川修竹映疎花  
川上時聞響釣車  
似到秦人種

桃處誰知夢斷却還家



崖根烏窰已先嘗從此知君鬢不霜應笑吾曹事  
枯槁山中危坐獨休糧

贈吳子野先生

麻田老仙心炯炯少有高風慕箕穎枕流漱石三  
十年眸子瞭焉神更靜忽然杖策海上來至人道  
妙同塵埃達官貴侯競招致往無所欲誰嫌猜迹  
來一志從吾黨跡與孤雲共天壤曹溪有路更攀  
躡躡躡徑躡毗廬高頂上子野將出家事見東坡詩中

送庠上人

點檢行裝拂與巾洒然輕別故山春家家門底長

安道舉日何須更問津

次韻才仲山行

幕府文書一掃空何妨行樂醉春風想聞笑語千  
山外正在烟雲萬疊中哢日鳥聲喧細碎照溪花  
影靜玲瓏苦吟只恐雕肝腎夫子還宜少黜聰

與神智師話別

昔我年始壯托身靈鷲峰主人大導師鼓舞揚真  
風四方依絳帳雜還象與龍嗟余于此時已識大  
士蹤紛紛論議場頭角出羣雄如何三十載慧刃  
藏其鋒端居肄業地了不為世通途獨念西湖幸



來將誰從情隨山水遠興與魚鳥同平生方外姿  
自在如冥鴻明朝復回首飄洒一孤蓬

暉暉堂

堂上何為絕點埃堂上翠筵掃空堦遙憐白日暉  
暉靜影入高人燕坐懷

次韻嵩陽叔易先生見訪

知君挾冊未嘗闢一志端能事孔顏千里扁舟下  
吳會眼中收拾只溪山

枯槁長專一壑間權豪殊未少低顏風雲他日起  
騰去莫畏移文到北山

曉霽

雲擁茅簷水拍渠曉來新雨過吾廬薦紅宿萼莓  
苔滿解事長楊自掃除

次韻龔堯佐帳勾晨起感懷

造物紛紛自變更達人何用較前程芭蕉身世榮

枯久胡蝶夢魂來往輕隔屋想經銅漏盡開扉猶  
愛玉繩橫應嫌百吏鬼行進簿領文書與案平

遠齋

直寫大字不作旁注  
為王上人作

君不見崑崙之河與天通源深發遠人莫窮回溪  
轉壑隨折衝末勢演溢流于東東溟無傍下無底



浩蕩足以家魚龍嗟哉吾徒雖好學詎肯著意推  
所從淵停富滂有若是孰謂世上無豪雄法師名  
齋意且遠張皇幽眇見尔聰西來竺書五千軸期  
子歲月加磨礮離騷楚詞亦謾讀言語黼黻何必  
工禪餘習氣如未盡時倚澗石吟松風

懷仙閣

瀛洲仙人騎皓鶴珮玉鳴風度寥廓錦溪南望九  
仙岑笑指烟霞啟層閣閣中清絕無纖塵銅炉著  
香夜夢真平明跨鶴出山去澗草岩花空自春山  
小僧問我人何地今作玉皇香案吏挾持造化幾

時還搔首臨風聊一喟

華亭道中

白水茫茫天四空黃昏小雨濕春風五更百舌催  
殘夢月到官河柳影中

同周元翁著作范明遠秘校西湖夜泛各  
賦一首

白雲疎雨作還休白帝撩人巧變秋天地此身均  
逆旅江湖幾處共離憂暮聲斷續鐘連磬夜氣浮  
沉浦與洲圓嶠方壺吾未羨敢煩騷客為冥搜

和元翁



高論每逢賢友生，還如講武得奇兵。  
了無鄙吝胸中物，尚有風物流世外情。  
破海玉蟾初未躍，洒空珠露已先傾。  
回橈轉柁行三鼓，始見波瀾百頃明。

和明遠

二客風神瑩石泉，解衣同緩夜歸船。  
已殘中子峯頭日，猶認吾廬竹外烟。  
水怪有名殊未見，犀燈無事不須然。  
月明幽渚蕙葭靜，珍重沙禽穩睡眠。

次韻月上人秋夜見寄

冥鴻振鷺想儀形，數日新秋入夢清。  
丹壑流泉依舊否，碧岩叢桂幾時生。  
風來玉戶涼初集，露泫銀

河色漸清，飽餽酬君無妙句，夜光魚目愧相并。

送遠上人還金華

千秋脫葉送殘秋，一舸南歸興莫留。  
富渚江平非白馬，子陵灘穩異黃牛。  
吟懷覽勝宜無倦，才力如君豈易求。  
他日殷勤為細字，盡傳佳句到東州。

與愚上人宿天竺

夕陽山氣藹蔥蔥，路轉松陰複幾重。  
行過石橋人未見，數聲先聽寺樓鐘。  
稽留峰北好林泉，珍重幽棲得所便。  
柏子烟中能宴坐，想無餘習可攀緣。



霜壓簾櫳露泣條  
銀河影轉斗隨杓  
清言共失三更  
更夢錯恨芙蓉漏  
易消

晨起

猿鶴驚呼曉樓鐘  
動翠微楓林墮  
清月疎影亂人  
衣

喜不羣不疑見訝

鵲啁庭梧喜滿懷  
懸知二子下崔嵬  
山中爽氣知  
多少半逐風流杖屨來

送桐明上人之都下

窈窕孤雲下翠岑  
帝鄉閑去本無心  
紅塵滿眼急

回首莫遣空山鶴  
怨深

送定上人還會稽

西風警羣木蕭瑟  
散餘聲病客有歸思  
歸雲無戀  
情月當千里共人恨  
四難并苦學誰如子  
宅年在一鳴

次韻劉蔡仲秀才雪後登竹閣

檻前君子舊虛心  
雪後相看意更深  
晴日暖風催  
鳥語翠梢高處轉  
柔音

君看楚嶠聳巔岵  
圭壁千層間翠嵐  
山後一峰尤  
秀拔依稀還落剡  
溪南



次韻黃仲閔主簿見訪游寶雲諸寺

吾廬附層阿松竹蔚行路平生土木軀羞為折腰  
具蓼虫甘苦澁雖死那求遇黃香諸父賢傾蓋如  
有素相將山水行所適得佳趣觀臺深且靚縞壁  
懸清白雲巢倚空端下覽宜細顧樓臺霽色初碧  
瓦塵未浣籃輿指頽景長揖還辭去恍如山陰集  
恍仰已成故重來竟何時相望碧雲暮

蘇世美夫人挽詞

夫子剛中早數奇閨門高節聳當時淵明晚欲歸  
三徑德曜能從賦五噫不見萊衣華髮事空驚薤

露昔人悲故知造物酬陰施玉立諸郎富白眉

重居夜坐懷蘇伯達昆仲

狂風吹林聲怒號隔垣洶洶如秋濤夜闌稍覺羣  
動息星斗掛簷霜月高東鄰書生勤且勞粲然文  
采真鳳毛遙想下帷應未寢短檠相對課離騷

慕容居士雙柵齋

陽羨溪山名浙右氤氳淑氣無時有遂令比屋慕  
絃歌甲第殊科爭擬手先生讀書三十年數奇不  
偶真可憐閉門陋巷聊自隱箠瓢屢空心宴然南  
軒前頭兩佳木先生撫玩長不足尤愛薰風五月



初白銀開花光照屋故人邂逅相逢遇指點婆娑  
索新句君不見少陵杜叟有長吟莫作凡林等閒  
賦

次韻蘇端定武雪浪齋

孔明氣宇白玉溫忠義勇決踰王尊葛中羽扇傳  
號令塞垣徹警無塵昏良辰往往挾將佐射鷗走  
馬循烟村歸來飲酒坐堂上賓從如雲填戟門一  
朝郡圃得竒石雪浪觸眼驚神魂旁求蒼珉琢巨  
斛偃然卧土知無根三牛曳歸置階坻錯磨不許  
留纖痕興來作詩竒臺閣雄詞妙筆筆考論將軍

今譎窮海外會見曦娥窺履盆殷勤寄語朔方客  
佳致勿毀宜長存

無為堂

無為豈不動無念非剗心至人均道妙與物相浮  
沉青銅一寸明萬象了自明何須苦機械擾擾亂  
冲襟晴窗馥烟篆衣袂蒙餘薰超然曠士懷所得  
踰古今

示法頌

兒曹汝既識薰蕕卓犖應須力自修一志徑從齊  
客語萬端無受楚人味卑飛燕雀宜深遠高遠鸞



鳳可並游莫負謫仙當日語十年名譽滿東州

清聚軒

之子吟懷欲稱情故穿幽沼瀉清泠倘逢來客議  
深淺但道淵源通北溟

次韻曉師見別欲遊京洛

春波漲南浦霽色媚澄鮮扁舟駕西槩行矣子所  
便岸花開迤迤迤紅紫交相妍詩情發浩蕩翰寫萬  
壑淵清新逼庾信雅健追樊川相倚得鴻鵠翔集  
固超然永祇暫塵土它時洗雲泉幽姿復炯炯不  
羨玉池蓮

游徑山懷司馬才仲

柔桑蔽野麥初齊布穀催耕雨一犁略約時橫溪  
上下薔薇間發水東西重尋勝處追前賞無復詩  
人手共攜回首春風增感慨綿綿黃鳥更悲啼

雲巢

環湖相望百招提高棟層軒亦屢躋未若道人基  
構勝闌干清與白雲齊  
九江秀色可攬結謫仙愛彼巢雲松寂寞風流三  
百載此軒奇觀躡前蹤  
碧瓦朱甍冠翠微鬱蔥佳氣繚窗扉人間塵土紛



阡陌不到蔡床燕坐衣

清明日湖上呈秦少章主簿

水邊花霧曉氤氳春入西湖兩岸深  
冶葉倡條他自媚朽株枯木我何心  
鞦韆索轉朱樓角博塞聲喧碧柳陰  
年少故人方感慨未應從俗強浮沉  
時少章喪偶

送誠無上人還洞山文禪師席下

上人妙齒遺樊籠嗜好豈與稠人同  
岩栖水飲有餘裕期以至道超鴻濛  
少林人亡僅千載未路鼓舞誰為雄  
西江老褐真望士蟻趨雲合爭所從  
羨

君伏役事且久誠專志苦迷春冬心馳磨錯稍精  
整行拂水月含冲融去歲扁舟下吳會溪山勝踐  
情所鍾芒鞋竹杖霜雪路入始知節物徂秋風朝來  
興盡挽不住翻然又逐南征鴻  
完年相逢定廬岳與子終老巢雲松

燕默堂

萬彙乾坤裏誰何識道真  
喧卑憎未俗燕默羨高  
人漏轉芙蓉永香銷柏子頻  
完年揮玉麈堂下挹芳塵

送嚴上人還永嘉



道人出處孤鴻傳詎肯低回受羈絆飄風轉日歷  
九州不羨騎龍游汗漫我生與君幾相逢窮幽攝  
勝時乃同胸中妙道未容扣又引高興辭秋萬君  
家住在孤嶼側此別何時見顏色欲識相思一寸  
心冷月依依挂空碧

吳門獄中懷北山舊隱

江湖堂北是吾廬繚繞杉篁蔚有餘欲問山中近  
消息鱗鴻不寄獄中書  
誅茅授老卜栖遲雲雨相翻豈易知夜鶴曉猿休  
悵望回車復路可無時

數畝檀欒古道邊亭亭氣概上參天未應霜雪能  
摧抑不用行人歎可憐

東嶼扶疎一樹梅繁英辜負歲時開殷勤寄語蘭  
兼蕙它日春風我亦來

甘冷宜茶石縫泉得名初自玉堂仙蒼苔萍穢聊  
疏治照月涵星復粲然  
一徑綠雲入壽星竹間窈窕見疎樵闌干數曲觀  
臺上幽草靚花常滿庭

吳門有懷錢塘何房時仙尉

英妙何郎蘊德光不隨人世事炎涼麒麟步武開



天上他日青雲道路長

英游閣前官柳行柔枝嫋嫋弄鵝黃多情春色還  
依舊獨有離人天一方

湖岸茸茸細草生芳洲杜若想縱橫去年問柳尋  
花地誰伴穿雲渡水行

劉咸臨秀才挽詞道源學士之子

劉子江南英韻勝不友俗閑門誦詩書戶外無來  
躑昔我寄匡山崇扉屏幽獨君聞跨蹇驢迢迢訪  
深谷忘懷去畦畛結好比松竹浮雲事忽空逝水  
難再復徒有篋中文千秋成鬼錄

異材擢陽阿秀色方蔚然侵尋掩衆阜屹屹上造  
天驚颺忽催殞中道虛棄捐願淵古稱大道德今  
獨妍何求擁腫為無用徒永年

平生本家學恥作干時語著書以愚名綽欲墓前  
古紛紛詆迂濶默默君自許弱齡詠風騷其詞哀  
以苦先生歎竒作壽遠終難與果為冥冥遊一往  
不可覩

吾希李長吉異代不得友賴餘錦囊篇把玩時在  
手斯人君並駕未易較先後肝脾裊陽秋落筆策  
瓊玖當年邂逅初宛在三峽右相攜石橋行下瞰



冰雪溜音容，俄永隔山月。空依舊銘詩，得黃香知子垂不朽。

贈霍山人

先生少年喜武事，三畧六韜曾偏閱。胸中雲夢吞八九，氣勝萬夫真勇決。防邊伊昔從都護，欲取功名繼前烈。臂弓腰箭事戎裝，遠出沙場恣遊獵。擒狐射雁狂且逸，不覺歸途迷夜雪。敗官遭譴失所志，回首飄然辭魏闕。挾持妙術當生涯，放浪江湖閱歲月。尋常得錢即沽酒，笑與妻孥同飲啜。樂天知命了無憂，奕奕紅顏浮兩頰。春風浩蕩魯城邊，

稠花亂蕊爭紛妍。方將與君共攜手，騁懷游日相回旋。興來別我汶陽去，黃鸝一舉難留連。村橋野店醉斜日，路人誰識地行仙。



參寥子詩集卷第九

送劉不已推官罷奉符尉入都注擬

少年讀書破萬卷河朔聲名壓諸彥詞場百戰功  
不成晚得青衫非所願白頭况有北堂親斗祿強  
須甘冗賤三年一尉秦山下簿領區區事弓箭  
窮寇盜走山谷肯為風霜辭怯懦要功莫賞本無  
心逃去僅能逃所譴草枯蓬斷歲將徂結束行裝  
抵京縣達官貴吏急賢材一鶚君須預論薦投竿  
舍策去作相邂逅風雲一朝變造物于人自有時  
未足為君生忿怨



過彭城觀陳傳道知錄所藏東坡公畫  
枯枝瘦石兩相望南北悠悠徑路長  
卷盡平岡三百里風枝雨葉更飄揚

淮上觀水

桐柏崑崙日夜傾投溪注壑本無情  
乍為含垢乍尋濁不作於人一掬清

戲書誠師秋屏小影

黃蘆敗葦兩三叢彷彿江湖在眼中  
雁鴨驚呼綠底事一時昂首立秋風

過韞秀堂觀仲豫二詩因次其韻

冀南斗北各殊方誰信相思去夢長  
蓬斷草枯常歲宴寥寥空對蕙爐香

荆溪一別十年餘流竄何嘗定所居  
等與山河同幻質更將三界作蘧廬

次韻聰師見寄

三年東魯貶閉戶寔超然靜極通幽渺  
神遊豈間馬獨全霜後操未異火中蓮  
不似沉湘客徒懷忿與恂

夙學誰知子源流務所滋風騷追五柳  
禪寂擬長髭桂魄元昭晰浮雲自蔽虧  
險夷終一節吾以古



為師

次韻升師見招

老去年光知幾尋無端華髮苦相侵  
獨憐碧眼胡僧舊未改青松一寸心  
欲扣禪關當歲宴肯愁溪路隔雲深  
相逢試探梅花信應有香鬚擢碎金  
兒童戲管已能操書之吟齒幾兔毫文  
圓垣墻增漸廣詞林枝葉勢方高  
嗟余舊喜論周誥晚歲無心調楚騷  
羨子得時勤述作宛如秋浦湧雲濤

殘菊

霜吹露殞萬枝藜菊鮮尚見容  
細蕊冷香聊自

自媚無心引蝶更勾蜂

滌軒

隔雲穿竇引涓涓噴玉跳珠亦可憐  
心垢本無何用滌戲將瀟洒度殘年

十頃廨院觀司馬才仲遺墨次韻

濛濛春雨暗春橋竹裏啼禽婆餅焦  
度谷倦聞車軋軋穿林愁聽馬蕭蕭  
細窺陳迹僧坊靜默想風流鄙吝消  
浮魄沉魂今已矣無人為作楚詞招

唐昌王悅道桃竹軒

餘杭門西山迤邐屹屹十峰挿天起  
窮幽摘勝過



三邑隨處雲林皆可喜  
迺來杖策到君家  
始覺溪山逢骨髓  
爭流萬壑會目前  
競秀千岩對窗几  
丹楓洗雨秋霽餘  
白鳥出沒嵐光裏  
主人韻勝無塵埃  
翠竹紅桃相映裁  
良辰樽俎憑誰共  
友月明雲自往來

溪上

紅蓼叢邊雙鷺飛  
波痕翻動碧琉璃  
須臾相趁却回首  
斜立垂楊烟外枝

聽盛道琴

陰雲收雨閣層簷  
寂寂西風不動簾  
燒盡夜堂紅

蠟燭高山流水聽無厭

有客浮游不定家  
玉琴三尺當生涯  
從來正始無人會  
掉首高歌烏帽斜

千頃山圓鏡堂呈應禪師

茲山嵯峨冠天下  
一徑紫雲行兩舍  
始窮絕頂見招提  
碧閣丹樓屹如畫  
門前池水瀉蜿蜒  
座上風雷驚晝夜  
峨眉五臺誇壯麗  
觀品目真不此為亞  
偉哉南師非世人  
開荒闢土初椎輪  
寥寥相望三百載  
廢興一一難具陳  
丹邱大士來鼓舞  
氣象煥發重增新  
投金輸贖走南北  
法雨所被無涯津  
虛堂



選勝得佳處，隆簷巨棟成。  
逡巡窗扉洞，達舒兩目。  
異景錯出羅，綦綦朝雲夜。  
月常萬頃寒，光炯炯如。  
鎔銀堂中隱，凡人何似湛。  
若玉毛懸秋，旻榜名圓。  
鏡示來客庶，使方寸無滯磷。

沈道原養浩堂

塵勞萬計日紛紛，未礙堂中養浩心。  
花草暗香來屋角，溪山爽氣入衣襟。  
樽中白酒無時有，篋裏清詩不廢吟。  
夜夜鄰家助幽致，數聲羌管弄微音。

宣上人玉淵堂

玉淵閔蒼崖，源深香難測。  
但見涓涓附，箬龍宛轉。

來投小池側，小池方折餘。  
兩尋龜龜不游苔，不侵青雲。  
無雲落寒影，沈柔見底空。  
人心妙哉，支公營小築。  
氣象蕭然真不俗，夜吟朝講度流年。  
何用嘖嘖誇傑屋。

與定師話別六言

客有來從東越，示余滿把瓊瑤。  
萬壑千岩鍾秀，故知多士翹翹。

雪解松筠振色，氣回蘭蕙含芳。  
興到剡溪吟客，夢先飛鳥歸翔。

出海濤雷方震，橫江雪陣如山。  
一葉舟輕飛燕，飄



然掠水東還  
鳳味山含暮靄西陵月破黃昏慣作江湖離別未  
應當此消魂

慧覺改師綠筠軒

綠筠蕭蕭含爽籟幽姿冷落人難愛壁間但有謫  
仙詞聲名自到江湖外當年瓶軒非壯觀局促簾  
櫳日虧蔽一朝經畫有底難推倒墻頭了無礙坐  
挹西南十里山彩翠浮空屹相對開池鑿圃增氣  
象佳致真為一方最鳥聲鳴春春漸融蘭芽蕙茁  
初蒙肯我來正值新雨定弄日吹香聞座中主人

散策邀我步池南池北聊從容會待龍孫添夏陰  
借君此地眠清風

夏夜智果懷武康令毛澤民

暮磬寥寥殷上方籠紗朱火影微茫窗虛竹淨雨  
初闌雲潤星輝夜更涼落枕松聲驚瑟瑟撲簾香  
霧靄蒼蒼遙憐散髮東堂老正卧風漪六尺牀

自號東堂老人

寄宗室趙伯言朝請

趙侯天人喬雅韻能拔俗豈意江湖間邂逅識眉  
目高談為余傾落落如轉轂端無貴富驕但有文



字欲交游多望士，頡頏爭馳逐艱難。風義高迹與  
古人續，銅章領劇邑。宛在江之曲，鳴絃陶永日。  
不事鞭朴新詩擬，建安簡遠詞不縛。錦囊有餘棄  
示我僅盈軸，持還故山樓。把玩時反覆，美哉韶濩  
音鏘然。落岩谷嗟余真淺陋，學海無一掬。仰君東  
溟深，短綆不可觸。

讀東坡居士南遷詩

居士胸中真曠夷，南行萬里尚能詩。牢籠天地詞  
方壯，彈壓山川氣未衰。忠義凜然剛不負，瘴烟雖  
苦力何施。往來慣酌曹溪水，一滴還應契祖師。

讀間復詩卷

詩律久已廢宏綱，誰與操斷絃。那慮續吾鄙，有英  
髦氣穩伴彭澤。詞幽近楚騷，未輸湯從事。獨詫碧  
雲高。

次韻間復廬山見懷

匡廬三載恣徜徉，肯憚冰裘敝雪霜。學徹死生追  
聚忍，力窮騷雅陋齊梁。心源素與秋潭靜，定水寧  
同夏潦潢。邂逅逢余舊，題墨蘚封苔。駁不成行。

夏日寄愚坦二上人

仙潭從古水雲鄉，不羨西湖六月涼。支港官河通



市井採菱拾翠有舟航  
孤棹迥與星辰接  
鐵鳳疑參鶴  
崔翔九夏登臨輸二子  
一時摹寫付詩囊

次韻聞復西湖夏日六言

山水初無今古人間自有沉浮  
試問行歌野老桑麻用事何憂

老葑年來席卷吳儂舊恨弥  
申昨夜馮夷鼓吹邀嬉抵徹諸鄰

夜深一碧萬頃彷彿明河接  
天岸曲風篁成韻絕

勝細管危絃

西湖清淺可汎湍險豈類瞿曇塘隨處菰蒲蓮芡柳風沐雨尤香

南窓寄傲一榻午帳風來卷  
舒懶躡子雲陳迹解

嘲更續成書

燒空火雲萬丈氣燭信可流金  
嗟爾龜魚得計適

然游泳滋深

櫟杜侵堦美蔭鳴蟬光質初涼  
薰風正被草木莫作秋深感傷

柱礎爭流餘潤油雲欲改山容  
定有盲風怪雨曉

來已聽鼉龍

湖光宛同玉鏡隄柳悶若房櫳宵行人過此未輸仙客壺

河漢斗杓橫七重城漏鼓傳  
三露鶴一聲何許夏然震響空崇

夏夜偶興



微陽墮層巘，歸翼投空林。龕灯闕古殿，梵唄無餘音。  
春茲石壁下，徐風散冲襟。缺月如斷環，依稀挂松陰。  
清暉婉相屬，永夜諧吾心。空生大覺中，一漚示浮沉。  
此身漚中客，冥觀無古今。昔我嬰世故，紛紛那重陳。  
且求華胥夢，蝴蝶相追尋。

次韻古上人湖上步月

尋常西湖月，雲霧多襲明。茲宵寔昭晰，似慰詩人情。  
低昂見列宿，哉曜非光熒。起余二三子，微咏哦新聲。  
杖藜山前去，雞犬寂不鳴。蘭皋宿鷺羣，回首時自驚。  
君看南北山，氣象真呼噤。參差烟樹叢，一

一合餘清上人江南秀遊返意所傾夜闌勸復路  
浩興殊未盈

臨江月上

西人

率同志為社誦法華經一萬

部資其梵行作此以贈之

能仁說教滿竺乾，流入中國餘五千。于中妙經為最勝，  
顛師所解尤通玄。化行吳會連海壖，紛紛得法如雲烟。  
見聞讀誦又其次，隨類譬率無間焉。嗚呼上人志且堅，  
善邀佛子同法筵。妙香炷炉馥旃檀，十科勸進追昔賢。  
旁行貝葉軸似椽，卷舒朝暮往復旋。利根嫩種聊窮斫，  
魚兔一獲忘蹄筌。自餘



區區顧未然，瀾翻口舌如湧泉。外物交錯心匪緣，  
功成一朝脫愛纏。擘如紅蕖濯清淵，俯仰千聖遠。  
可肩茫茫苦海旁，無邊不有舟楫誰能先。烏蟾疾  
馳如走丸，咨爾佛子無睡眠。

瑯琊山茶仙亭呈曾子開侍郎

滁山雖僻左，謫宦皆名臣。後先間數公，卓然皆鳳  
麟。憶昨紹聖初，謫公俾省循。盛德忘怨排，虛懷隨  
屈信。政成思覽眺，興與烟霞親。後車載邠枚，主客  
驚路人。逶迤度山谷，導從屏所陳。樵魚許爭席，解  
后全天真。冷冷庶子泉，味壓康王珍。團團小圓月

色冠閩山春，白足相與飯。溪毛擷青青，熊魚得兼  
美。樂事無涯津，花瓷勸飲滿。疏淪貫百神，危亭倚  
崑阿。榜額獨未新，收之擅風流。茶仙誇絕倫，相望  
三百載。公能嗣芳塵。

送錢持王主簿西歸

蘭陵號多士，君寔名家孫。高才縻荒庫，枳棘棲鴛  
鸞。一旦謝朱墨，超然<sup>整</sup>歸軒。迎秋餞伏初，炎威尚歊  
煩。松陵接苔雪，迤邐昏清源。舟子宜夜泛，蘋風生  
夢魂。回塘官柳行千樹，如雲屯明河。掛柳外涼月  
低，金盆茲行信有得。它日為余言。



寄子開內翰

天將有作會雲龍一德君臣邂逅同表率衣冠真  
領袖羽儀臺閣舊家風詞林豈獨專周誥衣職深  
期補舜聰四海滯淹公可棄盡收嘉雁集庭中

贈潛照月師

吳興上人心志苦筆研十年耕學圃形癯骨瘦神  
獨清耿若霜鷗立秋浦錦囊新詩殊汗漫妙語間  
發猶稽古誅鋤冗長更磨搽激濁流清導靈府自  
然韻勝遺鳥可遠政淵明追步武瓶孟勸子適四  
方莫學匏瓜甘墮蒹葭崇山廣澤徧游覽始信憑高

極天宇藝成技進蔚文采楚楚華身竟何補茫乎  
三界同傳舍而我與君俱逆旅不如回首儂老福  
妙精明心求許與鳴蟬委蛻藁壤餘脫畧秋風即  
高舉

垂慈堂木樨花

堂下高花屹兩株繁英碎萼巧連茹猛香匪占春  
園盛清烈仍分里巷餘長抱秋蟬蟾滋夜氣偶搖風  
露墮塔除根盤厚地知方壯封植何人考厥初此  
花乃都正慈化老師手植之

次韻闕子容晚霽



小院迴廊明霽霞  
疎簾未捲尚橫斜  
應憐碧砌無塵滓  
石竹紅薇靚有花  
飛廉初遣雨師回  
獨上江城百尺臺  
萬景橫前方領畧  
越山仍欲送青來

再和湖上晚歸

漾舟歸路興何賒  
水樹低涼一道斜  
菱蔓蒹葭都捲盡  
芙蓉作爛熳炯炯獨開花

雲披霧卷仰昭回  
試望翻經古石臺  
應有秋香生桂樹  
吹風肯傍暮船來

次韻子容同聖功見過

檀欒小徑闕陰陰  
解鞅停驂步更深  
知我山西樓久牢落  
故留佳句比南金  
桃李君家世布陰  
棣花雍穆義還深  
浮雲百變何須怪  
張耳陳餘舊斷金







